



Aningaasaqarnermut Naalackersuisoq

Ulloq: 25. november 2016
J.nr.: 01.31.06/16-00739

Aningaasaqarnermut Akileraartarnermullu Ataatsimiititaliap tallimangornermi ulloq 25. november 2016-imi aalajangiineranik Naalackersuisunut ilisimatitsineq.

Piginnaangorsaqqinnernut, nuttarnerulersitsiniarnermut aamma Majoriamut ilassutitut aningaasaliissutit - Suliaq nr. 01.31.06/16-00739.

”Naalackersuisut **inassutigaa**,

- kontomi pingaarnermi 64.13.21-imi, Piginnaangorsaqqinnernut tunngasumi, aningaasaliissutit 3.000.000 kr.-inik amerlineqassasut, aamma
- kontomi pingaarnermi 64.10.06-imi, Taarsigassarsianut qularnaveeqqusiissutit akilerneqarnerinut tunngasumi, aningaasaliissutit 3.000.000 kr.-inik ikilineqassasut, aamma
- kontomi pingaarnermi 64.13.19-imi, Nuttarnerulersitsiniarluni aningaasaliissutitut tunngasumi, aningaasaliissutit 1.000.000 kr.-inik amerlineqassasut, aamma
- kontomi pingaarnermi 64.13.23-imi, Majoriamut tunngasumi, aningaasaliissutit 1.000.000 kr.-inik ikilineqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqu-taalu:

Qinnuteqaammi matumani pineqarpoq nuttarnerulersitsiniarluni aningaasaliissuteqarnissamik ukiup sinnerani neriorsuutit tunniussinerillu unitsinneqaqqunagit kontomi pingaarnermi 64.13.19-imi, Nuttarnerulersitsiniarluni aningaasaliissutitut tunngasumi, 1 mio. kr.-inik ilassutitut aningaasaliissuteqarnissaq. Naalackersuisut suliffeqarnermi annertusisamik suliniuteqarnerat aningaasanik amerlanerusunik pisariaqartitsilernerneqarnermut pissutaasoq Naalackersuisut qinnuteqarnerminnut tunngavilersuutigaa. Aningaasat taakku amerlaqataannik konto pingaarnermi 64.13.23-mi, Majoriamut tunngasumi, aningaasaliissutit ikilineqarnissaat qinnutigineqarpoq, tassa ilinniartut tapiiffigisassat ikinnerunerat pissutigalugu atuinikinnerunissaq naatsorsuutigineqarmat. Isummernissamat tunngavissiami inassuteqaatit missinger-sutitut sunniteqaqqanngillat.

Tunngavilersuutip siuliani taaneqartup assinganik tunngavilersuuteqarluni konto pingaarnermi 64.13.21-imi, Piginnaangorsaqqinnernut tunngasumi, 3 mio. kr.-inik ilassutitut aningaasaliissuteqarnissaq qinnutigineqarpoq. Konto pingaarnermi 64.10.06-imi, Taarsigassarsianut qularnaveeqqusiissutit akilerneqarnerinut tunngasumi, aningaasaliissutit taakku amerlaqataannik ikilineqassasut peqatigitillugu qinnutigineqarpoq. Tamatumunnga tunngavilersuutigineqarpoq ukiup sinnerani qularnaveeqqusiissutit aningaasaliissutit sinnerisa iluaniissinnaanngitsunik akiliisoqarnissaata naatsorsuutigineqannginnera.

Qinnuteqaatip ilaani matumani ajornartorsiutaasoq tassaavoq aningaasaliissutit inatsisitigut pisussaaffigisat pineqarmata. Aningaasaliissutit inatsisitigut pisussaaffigisat atorneqartarput

pissartakkanik aalajangersimasunik tiguisussat pisartagaqarnissaat inatsisikkut immikkut aalajangersarneqarsimappat aammalu pisartakkat annertussusissaat naatsorsorneqarneranni-luunniit tunngavissaq inatsisikkut immikkut aalajangersarneqarsimappat. Taamaattumillu aningaasaliissutinut inatsisitigut pisussaaffigisanut tunngatillugu atuinersuteqarnissamik atuinikinnerussuteqarnissamilluunniit aatsaat qinnuteqartoqarsinnaavoq nutaamik inatsisi-liortoqarpat inatsimilluunniit allannortitsisoqarpat. Suliami matumani taamaattumik tunngavilersuisoqanngilaq.


Taamaattumillu kontomi pingaarnermut 64.13.21-imut, Piginnaanngorsaqqinnermut tunnga-sumut, aammalu kontomi pingaarnermut 64.10.06-imut, Taarsigassarsianut qularnaveeqqu-siissutit akilerneqarnerinut tunngasumut, 3 mio. kr.-inik ilassutitut aningaasaliissuteqar-nissamik Naalakkersuisut inassuteqaataat ataatsimiititaliamit suliarineqarsinnaanngilaq. Aningaasartuuteqarnerunissaq pinngitsoortinneqarsinnaanngippat missingersuutininik saneq-qutsineq nunatta karsiata naatsorsuutaanut nassuiaatini Naalakkersuisup taarsiullugu erseqqissaateqarfigisariaqarpaa.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni **taamaallaat uku** pillugit Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerine-qarput:**

- kontomi pingaarnermi 64.13.19-imi, Nuttarnerulersitsiniarluni aningaasaliissutinut tunngasumi, aningaasaliissutit 1.000.000 kr.-inik amerlineqassasut, aamma
- kontomi pingaarnermi 64.13.23-imi, Majoriamut tunngasumi, aningaasaliissutit 1.000.000 kr.-inik ikilineqassasut.”

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua